

փուլ-սուլթան Ուսթաշլուի միջև: Այդ հողի վրա ծալր են առնում միջցեղային կոիվները, որոնք գնալով ավելի են բորբոքվում, պատճառ դառնալով մեծ ավերածությունների:

Ընդհարումները շարունակեցին մինչև 1527 թ. երբ Գիլանից Քյոփուզ-սուլթանը, ուսթաշլու կղզրբաշների գլուխն անցած, արշավեց նախ Արդաբիլ և ապա Թավրիզ, բայց լսելով, որ Դիվ-սուլթանը Ջովհե-սուլթան Թաքալուի հետ մեծաքանակ զորքով գալիս է ընդառաջ, խուսափեց նրանց հանդիպելուց և կես ճանապարհից ուղղություն վերցրեց դեպի Երևան:

Այս փաստը ևս վկայում է, որ Դիվ-սուլթանը նաև Չուխուր-Սադի վիլայեթի տերն էր, քանի որ Քյոփուզ-սուլթանը փոխանակ նրա դեմ ճակատելու, հարմար գտավ ասպատակել ու կողոպտել նրա երկիրը: Բայց Դիվ-սուլթանը կարողացավ կանխել այդ և արագ երթով հետապնդելով հակառակորդին, դեռ Երևան չհասած, Շարուրի դաշտում հարկադրեց նրան ճակատամարտ տալ, որտեղ, չնայած համառ դիմադրությանը, ուսթաշլուները ջախջախիչ պարտություն կրեցին: Մարտում զոհվեց նաև Քյոփուզ-սուլթանը:

Սակայն Դիվ-սուլթանին վիճակված չէր վայելելու այս հաղթանակի պտուղները: Երկու տարի անց՝ Թաքալու ցեղի առաջնորդ Ջովհե-սուլթանին հաջողվում է սադրանքով սպանել տալ նրան և գրավել պետության խնամա-կալի պաշտոնը¹⁴:

Այս կարևոր պաշտոնի գրավումը մեծ չափով ամրապնդեց Թաքալունների գերբերը սեֆեհների պետական վարչական կազմակերպության մեջ: Շուտով Ազերբայջանի կուսակալ նշանակվեց Ուլամա Թաքալուն և իշխանության առաջին իսկ օրերից սկսեց մեծ հավակնություններ դրսևորել: Իշխանական իրավունքների շարաշահումը վերջինիս կողմից առիթ հանդիսացավ, որպեսզի կղզրբաշ ավագանին երիտասարդ շահին դրդեր թշնամական դիրք գրավելու Թաքալունների նկատմամբ:

1531 թ. Թաքալունների դեմ կիրառվող դաժան հալածանքների ու ճնշումների հետևանքով, Ուլամա Թաքալուն ապստամբեց և կողոպտելով Թավրիզում գտնվող արքունի ստացվածքները, ապաստանեց Թուրքիայում¹⁵: Սուլթան Սուլեյմանը Ուլամային տվեց Բիթլիսի էյալեթը, որն այն ժամանակ գտնվում էր ամիր Շարաֆի ձեռքում: Վերջինս ստիպված եղավ փախչել Իրան. շահ Թահմասպի մոտ:

Այս դեպքերը առիթ հանդիսացան երկու երկրների միջև ավելի քան երկու տասնամյակ շարունակվող ավերիչ պատերազմների, որոնք ընդհատվեցին միայն 1555 թ. Ամասիայում կնքված հաշտության պայմանագրով: 1531—1555 թթ. ավելի շատ ավերվեցին Արևմտյան Հայաստանի Բասենի, Խնուսի, Կարնո, Բաբերդի, Երզնկայի, Դերջանի, Մուշի, Խլաթի, Արծկեի, Արճեշի և Վանի շրջանները, որոնք մի քանի անգամ ենթարկվեցին կղզրբաշ զինվորների ասպատակությանը¹⁶: Արարատյան երկիրն այս բախումների ժամանակ համեմատաբար քիչ տուժեց:

Հետևելով երկուստեք ձեռնարկվող ասպատակությունների ընթացքին,

¹⁴ Թաղբարե-յե շահ Թահմասպ (պարսկ. բնագիր), Կալկաթա, 1912, էջ 9, հմտ. Հասան-բեկ Ռումու, էջ 199, 205, Իսքանդար Մուհեշի, հ. I, էջ 48:

¹⁵ Թաղբարե-յե շահ Թահմասպ, էջ 16:

¹⁶ Նույն տեղում, էջ 37—60: